

N^h
89

Non timis aut timoribus
seruitas aut timoribus
seruitas aut timoribus

et timoribus. **S**icut
dicit scriptura. **Q**uia
dixit dominus deus israel.
Et ego dixi. **S**icut dixit
dominus deus israel.
Et ego dixi.

Sicut dixit dominus
deus israel. **E**t ego
dixi. **S**icut dixit dominus
deus israel. **E**t ego dixi.

Sicut dixit dominus
deus israel. **E**t ego dixi.
Sicut dixit dominus
deus israel. **E**t ego dixi.

Sicut dixit dominus
deus israel. **E**t ego dixi.
Sicut dixit dominus
deus israel. **E**t ego dixi.

Sicut dixit dominus
deus israel. **E**t ego dixi.
Sicut dixit dominus
deus israel. **E**t ego dixi.

Sicut dixit dominus
deus israel. **E**t ego dixi.
Sicut dixit dominus
deus israel. **E**t ego dixi.

Sicut dixit dominus
deus israel. **E**t ego dixi.
Sicut dixit dominus
deus israel. **E**t ego dixi.

Fragment of a label or stamp, partially torn and illegible.

Fragment of handwritten text on the right edge of the page, including characters like 'c', 'p', 'd', 'l'.

Rec^o 20



5
c.

**Von dem ewigen
Bund / Krafft vnd Wirkung
der heiligen Tauffe.**

*Eadem homilia in
superiore.*

In der Gemeine zu Dessau / den
IX. Octobris / In gegenwart / der Chur
vnd Fürstlichen Beuattern vnd Gesandten / Nach dem
Fürst Bernhart der dritte Son Fürst Joachim Ern-
sten zu Anhalt / etc. den vorgehenden 25. Septem-
bris Hora noctis 1. M. 20. daselbst geboren /
vnd folgenden 7. Octobris Hora 10.
getaufft war.

Gepredigt durch
M. Abraham Blich zu Zerbst
Pfarherrn vnd Superin-
tendenten.



Witteberg / Gedruckt durch
Lorenz Schwencf.
1571

Seit dem 15ten

Junij 1571



1571

1571

1571

1571

Der Durchleuch-
ten / Hochgebornen Fürstin vnd
Frawen / Frawen *ELEONORA* / Fürstin
zu Anhalt / Breuin zu Ascanien / Frawen zu
Zerbst vnd Bernburg / etc. Gebornen Her-
zogin zu Wirttemberg etc. Meiner
Gnedigen Fürstin vnd
Frawen.



Nad vnd Fried / von Gott
durch Christum. Durchleuchte/
Hochgeborne Fürstin / Gnedige
Fraw / die weil ich weis / mit was
grosser sorgfeligkeit *E. F. G.* in
Gottes furcht vnd löblichen Tugenden von
jugend auff erzogen / habe auff gescheneu
befehl / *E. F. G.* ich diese predigt vnderthenig
dediciren wollen / Christlicher hoffnung / es
werde dieselbige von *E. F. G.* Hochlöbli-
ches namens wegen / als ein wolgemeinter
trost / von vielen so *E. F. G.* lieben / auch ge-
lesen vnd geliebet werden.

Vnd ist mir zwar dieselbige zu schreiben
eben ein gelegenheit gewesen / meine vnterthe-
nige

A ij nige

nige Gratulation) wunsch und frolocken/ vber
dieser dritten freude / so E. F. G. in diesem
lauffenden 71. jar verliehen/ darzuthun/ vnd
denen gemeinen Landfreuden in Gottes
furcht vnd betrachtung des Allerheiligsten
Taufsbundes/ mit nach zu hengen/ vnd mich
Christlichen zuergehen / Untertheniger
tröstlicher zuuersicht / es werden auch E. F.
G. hinfurt jr lebenslang durch Mütterlichen
aublick dieses ires Erstgeborenen/ sich selbs er=
innern/ vnd der grossen ehren trösten vnd
frewen / so vns durch den gnadenbund der
heiligen Tauf widerfahren ist.

In schöner rhum ist dem Fürstlichen
Haus zu Anhalt / neben Gottes furcht vnd
viel andern löblichen thaten/ auch die herrliche
Victoria / welche der Allmechtige Gott Fürst
Rudolphen von Anhalt wider die stolzen Be=
nediger fur 68. jaren / eben auff den sieben=
den Octobris / an welchem E. F. G. junges
Herrlin getaufft ist/ verliehen/ daher in auch
Keiser Maximilianus das getrewte blut von
Anhalt genennet hat. Aber was ist das gegen
der grossen herrligkeit / da diesem Herrlin E.
F. G. fleisch vnd Blut auff den selben 7.
Octobris dis 71. jar der Himmel auffgeschlos=
sen /

fen/ vnd sich mit im die heilig Dreyfaltigkeit
in einen ewigen Gnadenbund ein gelassen.
Denn grosse Victorien hatt Gott auch Heid-
nischen Helden verliehen/ welche doch ausser
halb dieses Bundes haben endlichen vnterli-
gen vnd verderben müssen.

Ich bitte aber auch von ganzem herzen/
Gott den Vater vnser Herr Ihesu Christi/
er wolle mit seinem heiligen Geist E. F. G. in
irer jugend vnd ganzem leben regiren/ seine
furcht/ Fürstliche tugenden/ Eheliche vnd
Mütterliche liebe vnd trew/ wie angefangen/
also auch in E. F. G. erhalten vnd gemehren/
diesem vnd andern Landen zu einem Ehren-
spiegel/ iren geliebten Herren Gemahlen/ vnd
desselben jungen Herrschafften vnd Freulin/
welche nu alle E. F. G. Kinder worden sind/
zu trost vnd Kindlicher ergekung/ nach erlid-
denem schaden/ Als die durch iren geliebten
Herrn Vater/ vnd vns sorgfeltige vntertha-
nen/ in höchster schwachheit vnd gefahr des al-
ten Anhaltischen stammes mit ernstem Ge-
bet/ vnd mit gar manchen heissenthreenen/ dem
Allmechtigen abgedrungen sind/ wie Hanna
iren Samuelem Gott abdrunge mit seuffzen/
ja von denen auch Gottes Son sagt/ Wer ei-

nen solchen auffnimmet/der nimmet *MICH* auff/
vnd was man im gutes thut/ das ist *MIR* ge-
than.

ES wird Gott gnade verleihen/das aus
E. F. G. vnd ires geliebten Gemahlen len-
den/herrliche Regentē vnd Religionsfürsten
vnd Schutzherrn ferner erzogen vnd gebo-
ren werden / in massen *E. F. G.* an dem
Hochlöblichen Helden/ Herzog Christoffen
zu Wirtemberg/ etc. irem geliebten Herrn
Vatern/ vnd diese Land / an dem fromen vnd
heiligen Fürst Georgen zu Anhalt/welcher in
diesem Monat Octobri fur 18. jaren zu seiner
ruhe komen/ gesehen haben/darumb ich denn
beneben *E. F. G.* von herzen wil bitten helf-
fen. Datum Zerbst/ den 21. Octobris. auff
welchen tag *E. F. G.* geliebter Herr vnd Ge-
mahl fur 35. jaren geboren/ vnd nu in sein 36.
Jar treten thut/welchen sampt *E. F. G.* der-
selbigen geliebten jugend vnd allen geliebten
vnd verwandten/ich hiemit dem Allmechtigen
von herzen befehlen thue.

E. F. G.

Vntertheniger diener
in Gottes wort.

Abraham Ulrich.

Deas am andern

Capitel.

I

Ch wil mich mit dir ver-
loben in ewigkeit.

Ich wil mich mit dir vertrau-
en in Gerechtigkeit vnd
Gericht / in Gnade vnd
Barmherzigkeit.

Ja im Glauben wil ich mich mit dir verloben /

Vnd du wirst den **HEXKEN** kennen.

Vder selbigen zeit / spricht der **HEXK** / wil
ich erhören / Ich wil den Himmel hören /
vnd der Himmel sol die Erde erhören / vnd
die Erde sol Korn / Most / vnd öle erhören /
vnd dieselben sollen Jesrehel erhören.

Vnd ich wil mir sie auff Erden zum Samen
behalten / vnd mich erbarmen ober die / so
in vngnaden ware / vnd sagen zu dem / das
nicht mein Volck war / du bist mein Volck /
vnd es wird sagen / du bist mein Gott.

E

hat der Barmherzige Gott
nach drey zimlichen trawren dem Hoch-
löblichen Fürstlichen Haus zu Anhalt /
fürker denn in drey viertheil Jarn / auch
drey

drey herrlicher vnd besunder treffliche freuden verlies
hen: Erstlichen eine Fürstliche / Christliche Hochzeit
vnd Beylager. Zum andern / eine herrliche heimbrin
gung / vnd nu zum dritten / welches freilich das allers
herrlichest ist fur den augen Gottes / auch eine Christ
liche Tauffe / in welcher / einem Fürsten von Anhal
tischem gebürt geboren / auch der Himmel geöffnet / vnd
sein Name in das Buch der Lebendigen / von Gott
selbs geschrieben vnd verzeichnet ist worden.

Dieser hohen vnd trefflichen dreien freuden /
in diesem lauffenden 71. Jahr / sollen wir in Christli
cher danckbarkeit mit geniessen / vnd nichts desto weni
ger Gott fürchten vnd sorgfältig sein / Dann gewiss
lichen der Teuffel vns derselbigen nicht günnet / Son
dern mit rechtem zorn vnd neid / gegen vns / so viel des
sto mehr bewogen / erbittert vnd entbrandt ist. Gott
aber wolle vns dieselbe / zu seinen Ehren / nach seinem
Väterlichen wolgefallen / dennoch bestendiglich erhal
ten.

Dieweil aber nechst bey der heiligen Tauffe
gesagt / was dieselbige sey / vnd wie Gott seine grosse
güte vnd holdseligkeit / auch in demselbigen Gnaden
reichen Bad der widergeburt vnd ernewrung des heil
igen Geistes an vns bewiesen / da er nicht allein von
seiner Gnade / ober vns sichtbarlichen gezeuget / Son
dern eben in demselbigen Wasserbade / vnd durch das
selbige / wie aus dem heiligen Catechismo Lutheri do
mals angezogen / als durch das verordnete mittel / ver
gebung der Sünden / vnd den heiligen Geist applici
ret

eiret vnd reichlich ausgegossen / von Tod vnd Teuffel
errettet / vnd in die errettung öffentlich vnd sichtbarlis
chen erkleret hat.

Vnd aber der heilige Bund der Tauffe / ein
bestendiger vnd ewiger Bund ist / dessen sich nicht die
Kinder allein / Sondern auch wir alten / vns zu rüh
men vnd zu frewen haben vnser lebenslang / Ja auch
mitten im Tode / bis zum anbruch des ewigen Liechtes
vnd seligkeit.

Derhalben wollen wir ihund den alten Pro
pheten Dseam vns vnterweisen lassen / von den grossen
wolthaten Gottes / Ehren vnd Freuden / *Denn* auch
wir alte / wegen vnser Tauffe / jmerzu im ganken les
ben / ja auch in vnserm sterben vns zu rühmen / zu trös
sten / vnd nimer zuvergessen haben.

Jawan,

Vm andern / was Gott widerumb fur alle sol
che Himlische wolthaten von vns erfoddere.

Vnd zum dritten / wenn wir vns in diesen schuld
digen gehorsam danckbarlichen vben / mit was herrli
chen verheissungen vnd wolthaten / er sich auch auff
newe gegen solchem gehorsam abermal verpflichtet an
Leib vnd Seel / zeitlichen vnser lebenslang / Ja auch
im Tode bis ins ewige Leben / gnediglichen zu bewei
sen.

Wlan von diesen nützen vnd notwendigen
dingen / in Gottes furcht vnd anruffung weislichen zu
reden vnd zgedencken / wolle Gott sein Gnade vnd
heiligen Geist allerseits mitteilen vnd verleihen.

B

Das

Das erste Teil.

Sünden herrlichen wolthaten Gottes/
deren wir durch die heilige Tauffe teilhaftig
werden / sezt der Prophet Oseas drey vnters
schiedliche Vers vnd spricht:

- „ Ich wil mich mit dir verloben in ewig-
- „ feit.
- „ Ich wil mich mit dir vertrauen in Ge-
- „ rechtigkeit vnd Gericht/in Gnade vnd
- „ Barmherzigkeit.
- „ Ja im Glauben/ etc.

Dies ist nicht ein vergebliche weitleuff-
tigkeit / Sondern es braucht der Prophet diese
drey vnterschiedene Vers zum gewissen zeug-
nis / das die ganze Gottheit / alle drey Personen / in
dem einigen Göttlichen wesen / wie vorzeiten bey der
Beschneitung / Also auch ihund in der heiligen Tauf-
fe vns entgegen gehen / vns die gnedige Hand voller
güte vnd wolthaten / reichen vnd darbieten / Vnd bes-
geren / das wir in dieselbige dargebotene Hand eins-
schlagen / in einen ewigen Bund treten / vnd densel-
ben fest vnd vnuerbrüchlichen zu halten / mit dem hands-
schlage für Gott / Engeln / Menschen vnd Teuffeln /
öffentlich bezeugen / vnd vns obligirn vnd verpflich-
ten sollen / In massen sich Gott widerumb auch vns
obli-

obligiren vnd verpflichten thut/Also/das dieser Bund
von nu an nimmermehr in ewigkeit/sol oder möge getren-
net/ cassiret/ oder vffgehoben werden. Ja so gewis/
steiff vnd fest / das wenn gleich wir arme Menschen /
aus schwachheit etwan der Göttlichen Maiestet trew-
los vnd Meineidig geworden/ Jedoch wenn wir vns
mit dem weinenden Petro / nur zu Gott vnserm ewi-
gen Gnadenbund widerumb wenden / der gewisheit
dis Bundes / durch vbertretung nicht das geringest
derogiret sein/ noch werden sol oder mag.

Sündengang

Nehet gehört die schönē zeugnis der Schrifft/
als da Paulus spricht Roma. 3. Solt jr vnglaube
Gottes Glauben auffheben/das sey ferne. Hebre. 6.
Es ist vnmöglich das Gott liege. 2. Timoth. 2. Glaubt
wir nicht / so bleibet er trew / er kan sich freilich
nicht verleugnen. Summa/ Verbum DOMINI
manet in aeternum. Ego DOMINVS, & non muta-
tor, Esa, 40. Mal, 1.

Also bleibet die verheissung: Ego ero DEVS
eorum. Ich wil jr Gott sein / vnangesehen aller sün-
de vnd mutwillens des alten Volckes/ steiff vnd feste /
vnd wird Pactum sempiternum, ein ewiger Bund ge-
nant / auch im werck befunden/ob gleich Sünd vnd
straffen jmer in dem Volck hafften/wie der 89. Psalm
sagt: Ire sünde wil ich wol mit Ruten / vnd ire misse-
that mit plagen heimsuchen. Aber meine gnade wil
ich nicht von jnen wenden/Vnd meine Wahrheit nicht
feilen lassen. Meinen Bund wil ich darumb nicht ent-

B ij heilig

heiligen / vnd nicht endern was aus meinem munde
gangen ist/etc.

Wie nu derselbige alte Bund blieb das ganze
alte Testament hinaus / bey Abraham vnd allem
seinem Samen / Also bleibt nu auch der Bund des
neuen Testaments / in ewigkeit bey allen denen / die
auff den ausgedruckten Namen des waren Gottes ge-
taufft sind. Auff welchen einigen Gott / Abraham
vnd sein Same beschnitten war. Wie dann Moses die
wort des alten Bundes hie anzeiget / aus dem 17. Ca-
pitel Gene. Ja die ganze stipulation beiderseits Bunde
genossen anspricht mit diesen worten: Du bist mein
volck. Vnd widerumb / Du bist mein Gott. Vnd
darauff auch Petrus sihet / da er die Tauff ein stipula-
tionem nennet / da jr zwey mit einander hand einschla-
gen.

Diese unbewegliche bestendigkeit wil nu der
Heilige Geist / mit schönen bildern vnd exempeln
erklern / Sihet sich derwegen weit vmb / vnd findet
nach der aller genawesten ewigen vereinigung zweier
vnterschiedenen naturen in Christo / göttlicher vnd
menschlicher / vnd nach vereinigung leibes vnd der
Seelen / in einem lebendigen Menschen keinen ge-
nawern vnd steiffen Bund / Dann das magnum
mysterium / dauon negst vff der heimfart gesagt /
nemlich den heiligen Ehestand.

Dann da treten jr zwey zusammen / vnd vorbin-
den sich öffentlich mit einem handgelübde / jr gankes
lebenlang so gar genaw / das sie auch von Gott selbs /
alle

alle beide / ein fleisch vnd bein genennet werden / so
lang sie beide leben / Dann aller erst im Tod / hat die
Ehe ein ende / welche mus zweier / vnd kan nicht nur
eines sein / weil es ein Band oder Bund ist.

WEl aber auch der genawe Bund der Ehes
leut / dennoch endlichen durch den Tod zerrissen vnd
getrennet wird : Das Bündnis aber / das Gott durch
die heilige Tauffe mit vns gemacht / sol ein ewig
Bündnis sein / das weder Tod noch Teuffel / noch als
ler Hellen pforten trennen mögen / Wie der Pros
phet sagt : Ich wil mich mit dir verloben in ewigkeit :
Derwegen hat nu der H E R R vnd Heiland Ihesus
Christus / zu eine herrlichern vnd gewissern versu
cherung vnd Pfande / auch zum Exempel vnzertrenli
cher freundschaft vnd verbündnis / vnser fleisch vnd
blut an sich genommen / Also / das er Gott vnd
Mensch / nu in einer Person / ist vnd bleibet / in ewig
keit / vnzertrennet / vnzerrissen / vnd vnuerwandelt / dies
ser oder jener Nature / Sondern das eben die Person
des Mittler / in zweien vnterschiedenen / Aber doch
in vnzertrenlichen Naturen / beruge vnd bestehe / in al
le ewigkeit / vnd er warer Gott vnd Mensch sey.

Durch diese heilige voreinbarung Göttlicher
vnd Menschlicher Natur / in der Person Christi / ist
nicht allein dieser Bund in ewigkeit befestiget / Son
dern auch vns / die wir weiland in vngnaden / vnd nicht
Gottes Volck waren / solche ehre vnd herrligkeit
widerfaren / die kein Mensch mit gedanken vnd wör
ten

ten erreichen kan/ Ja das wir mit dem lieben Luthero
vns frewen / rhümen vnd sagen können: Ich weis
vnd bin gewis/ das zur gewissen versicherung des ewi-
gen Bundes / den Gott mit mir in allen gnaden ge-
macht/ bereit mein fleisch vnd blut/ doch in der Person
meines H E R R I Jhesu Christi / sitzt zur Rechten
Gottes / regiret Himmel vnd Erden / herrschet vber
Tod vnd Teuffel/ vnd wird von allen Engeln Gottes
im Himmel / Cherubim vnd Seraphim angebetet / ge-
zieret mit vnaussprechlicher Göttlicher / vnendlicher
weisheit / gewalt vnd Herrligkeit / vber alle Creatu-
ren in Himmel vnd vff Erden/ Dann derselbigen keine/
mit Gott eine Person geworden ist/ wie Christus Got-
tes vnd Marie Son ist/ ein warer Emmanuel vnd
δὲ ὁ πω π ο ς.

Vn diesen hohen unbegreiflichen vnd vnaussprechlichen Ehren vnd Maiestet des Menschen Christi / als des Wittlers / redet Chrysostomus auch vber die massen fein/ vnd spricht Hom. 5. super Hebr. 5: Ja freilich ist dieses ein grosses werck / darob man sich verwundern/ vnd von hertzen entsetzen mus / Das vnser fleisch droben sitzt/ vnd von allen Engeln vnd Erhengeln/ Cherubim vnd Seraphim angebetet wird/ So oft ich das bey mir betrachte/ möchte ich fur entsetzung aus meiner haut faren / vnd mus bekennen vnd sagen: Allmechtiger Gott / wie grosse ding hastu für / mit vns armen Menschen? Ja wie gewaltig vnd prechtig hastu bereit den anfang vnserer ewigen erhöhung/ in das werck gesakt? Wo wil es doch endlichen hinaus mit der Herrligkeit/ auch vnserer Menschlichen natur?

Vnd

Und nach dem der Prophet also erstlichen den
Bund mit vberaus schönen bilden dargethan / fehret
er fort / vnd begreiffet die wolthaten vnd ehren / so vns
durch diesen Bund / verlübdnis vnd vertrauen / als wo
derfaren / mit schönen / tröstlichen vnd herrlichen wör
ten / als nemlich / ewiger Gerechtigkeit / Gericht / Gna
de vnd Barmherzigkeit.

Dzses sind so schöne herrliche vnd tröstliche
wort / das / wer diese rechtschaffen betrachten / vnd in
sein Herz einschliessen künde / der künde vnd ver
möchte nimmermehr in ewigkeit / betrübt vnd trawrig
sein / Derwegen auch an vnserm letzten ende / vnd herz
brechen / keinen sterbenden grösserer trost widerfaren /
noch zugesprochen oder zugeschrien werden mag /
Dann Erinnerung der alten Ehe / das ist / des ewi
gen Gnadenbundes / in der Tauff mit Gott vnd
vns vffgerichtet vnd vollenzogen.

Dann erstlichen sol vber alle diese Bund vnd
Eidgenossen komen / ewige Gerechtigkeit / Dis mus
freilich nicht von der Gerechtigkeit verstanden wer
den / so auff das Rathaus gehöret / dadurch ein Dieb
zum strang / ein Mörder zum Schwert verurtheilet
wird / Sondern von der freundlichen / holdseligen
Gerechtigkeit / die in stehender vnd schwebender Ehe /
ein Ehegemahl gegen dem andern vbet / vnd stehet in
lauter herzlichher vergebung der Sünden / on alle ver
dienst vnd würdigkeit einiger werck.

Dann

Dann in dem Articulo Iustificationis, würffte man den gnedigen augen Gottes nichts denn einen armen unreinen Sünder / für die fuß / ~~der sich beket~~ / vnd bittet vmb verzeihung vnd hülff / wie David sagt: Tibi sum peccatū, miserere mei. Vnd der Zölner sagt: Sey mir Sünder gnedig. Vnd Paulus sagt: Iustificat impium. Wie dann auch Daniel / Vns schamröste / dir Gerechtigkeit.

Dann nicht allein ist nichts gutes vns angeborren / Gene. 6. Jeremie am 17. Sondern es malet die Schrift das böse / das ist vnserre angeborne Sünde / so gar grawsam vnd scheuslich / das einem Menschen das hertz im Leibe zittert / die Nare vffm heupt kribbeln / vnd die Threnen vber die wangen lauffen müssen / wenn man liest das gemelde / so Ezechiel Cap. 16. vns für augen stellet.

Nemlichen / das vnserre Väter Amoriter / vnserre Mütter Hethiterin gewesen / vnd also wir vnserer Ahnen halben geborne Heiden / vnd dazu verstorffen / vnd verworffen / vaterlos vnd mutterlos sind / Dann vnserre Eltern haben vns bald nach der geburt / ehe dann wir zum ersten Bade gebracht / in vnserer vnreinigkeit / in vnserem Blut / ehe dann vnser Nabel abgeschnitten / vnd wir mit Wasser vnd Saltz gesaubert / oder in einige Bindel gewunden / vffs feld hinweg geworffen / sagt der Prophet / wie dem jungen Cyro geschah.

Vnd zwar was es für ein erschrecklicher anblick ist vmb ein Kindelein / so allererst von seiner Mutter ges

ter gerissen / ist Götterfürchtigen Wehemüttern vnd
Matronen nicht vn bewust / Derhalben sie zum ersten
Bade eilen / vnd Erbare billige schew tragen / das sie
solche vnreine Früchte solten eines Mannes auge
schawen lassen.

Ich aber spricht Gott im Propheten / gieng für
dir vber / vnd sahe dich in deinem Blut ligen / vnd
sprach zu dir / da du in deinem Blut lagest: Du solt
leben / Ja zu dir sprach ich / da du in deinem Blut la-
gest: Du solt leben / etc.

Vnd ich badet dich mit Wasser / vnd wusch
dich von deinem Blut / vnd habe dich erzogen / mit ge-
stickten Kleidern / Semischen schuhen / köstlicher Leins-
wat / Seidenen schleiren / Kleinoten / Silber / Gold /
ja mit der Königlichen Krone gezieret / vnd du hast
mirs dennoch so vbel vergolten / etc. Also ist die erste
wolthat / so vns in der heiligen Tauffe widerferet / der
Articulus iustificationis / vergebung der Sünden / sein
rein / aus lauter mitleidung vnd mit leidung / allein per
uiscera misericordiae DEI nostri, wie Zacharias singt
get.

Welchem aber Gott seine Sünde vergibt /
vnd in aus gnaden auffnimmet / nach dem er im zuuorn
entgegen gangen / vnd in im verderben gefunden hat /
Demselbigen gibt er auch den heiligen Geist / der in
hernacher inwendig erfrewet / tröstet / vnd dann auch
treibet / als ein lebendiger Treiber vnd Beweger / das
derselbige inwendige bewegende vnd treibende Geist /
dann auch auswendig im gansen leben hernacher ge-
sehen vnd gespüret wird / wie die Schrift sagt / Daran
E wirds

wirds offenbar / I. Johan. 3. vnd Rom. 8. Welche der
geist Gottes treibt / die sind Gottes Kinder / Die an-
dern aber sind nicht sein.

SO bald aber der Teuffel dieser eusserlichen
scheinenden heiligkeit der Kinder Gottes ansichtig vnd
gewar wird. Möchte er vor zorn bersten / vnd weil
das vermügen nicht gros / wird der zorn desto grösser /
Sonderlich weil dieser stolze Geist noch von vns sol
auch gerichtet vnd verdampft werden / I. Cor. 7. wie
im dann nicht vnbewust. Darumb setzt der Prophet
•• auch das ander wörtlein: **In ewigem GERICHT**
•• **wil ich mich mit dir verbinden.**

Das Gericht aber / sol vber niemand dann vber
deinen Feind den Teuffel / vnd seine Consorten vnd
Adherenten gehen / Der seines zorns / verklagens /
vnd verdammens nicht lassen kan / do es doch im nicht
zustehet / dieweil das ganze exercitium Iudicii nicht
im / sondern mir gebüret / vnd bereit vber den Teuffel
selbs gegangen ist / wie der Herr sagt: Der Fürst dies-
ser Welt ist gerichtet.

ICH aber habe durch den heiligen Bund der
heiligen Tauffe / euch Menschen zu meinem Volck
vffgenommen / vnd meiner allerheiligsten Regalien /
nemlich der Gerichtsverwaltung teilhaftig gemacht /
Also / das jr nicht allein macht vnd gewalt haben sol-
let / die Engel zu richten / I. Corinth. 6. Sondern ich
wil auch / euch bey dieser Herrligkeit / wider des Teufels
anklagen vnd Calumnien / schützen vnd handhas-
sen / vñ euch durch seine lügen nicht mir verlaiden las-
sen.

Dann

Dann ob schon mangel vnd gebrechen / an
vns hangen vnd kleben bleiben / Sind doch dieselbis
gen zuuorn durch die Euangelische Gerechtigkeit /
vergeben vnd zugedeckt / wie Paulus sagt: Wer wil
verdammnen? Christus ist hie der da entschuldiget. Vnd
derwegen höret Gott des Teuffels klage / nicht allein
nicht / Sondern es sezt sich auch der Teuffel eben
hiermit desto weiter aus aller gnade Gottes / das er sich
zwischen thür vnd angel / das ist / zwischen die jenigen
legen wil / die in der aller genawsten liebe vnd freunds
schafft verbunden sind.

Einer Magd oder Knecht gestehet man auch
in dem Haus nicht / da sie dienet / das sie wolten dem
Hausherrn seine gebrechen vnd sünde bey der Fraw
en / oder der Frawen mangel / fur dem Herrn auffru
cken / Sondern eine Tugentsame Fraw spricht zur
Magd: Ich bin Fraw im Haus / vnd mein Herr ist
mir gut gnug zum Man / ist er dir nicht gut gnug zum
Herrn / so stehet dir die thür offen / Dann deinet hal
ben werden wir dem Asmodeo oder Hausteuffel / nicht
zwischen vns raum geben / Viel weniger wird dem
Teuffel gestattet / der bereit aus dem Haus Gottes
verstossen / ausgeworffen vnd verurtheilet ist / wie Chris
tus sagt / zwischen Gott vnd Menschen meuterer zu
machen.

Das dritte wörtlein heisse G N A D E, vnd ist
vn zweuel das schöne / tröstliche wörtlin / das da heisset
storge, viscera, philostorgia, welches heisset die herzh
liche vnd brünstige affection / so da waltet in veterlichen
vnd mütterlichē herzen gegen die herzliebsten Kinder.

E ij lein /

lehn / als die rechten vnd lebendigen coniunctiones copulatiuas, die Vater vnd Mutter nach geschehener ver-
trawung / allererst dermassen in liebe vnd freunds-
schafft verknüpffen / das irer keines nicht solte durch
ein feur lauffen / wenn dem Kindlein damit zu helffen
oder zu raten were / welche herzhliche affection sich mit
worten nicht erreichen / Sondern nur allein im herzen
fülen lesset. Vnd ist gar gemein vnd offit widerholet
im heiligen Euangelio / wie oben von den visceribus
misericordiae gesagt ist.

Es ist auch gar eine feine höfliche vnd Christ-
liche gewonheit / das grosser Herren Kindlein / auch
iren Herren Vater vnd Fraw Mutter Gnaden / oder
Ewer Gnade zu inen sprechen / dann sie damit sie
ire Eltern erinnern der herzhlichen liebe vnd trewe / das
mit vns Gott verbunden / Dann die Eltern sind Gots
tes Stadhalter vnd Bildnis / Derwegen dann auch
in inen brünstige Liebe vnd neigung / am allermeisten
ausbrechen vnd leuchten sol / furnemlichen gegen ire
natürliche Leibes fruchte.

Das vierde vnd letzte wörtlein heisset **BARM-
HERTZIGKEIT**, vnd begreiffet alle wolthaten /
die aus dem veterlichen vnd mütterlichen herzen fliefs-
sen. Denn wenn ein junges Herrlein oder Frewlein /
nur möglich vleys fürwendet / das es in seines Herrn
Vatern vnd Fraw Muttern Gnaden bleibet / vnd sie
nicht zu zorn vnd haß beweget / So darff dasselbige
Kind sich nicht vmb schmuck / Kleider / Elenodien / Ja
auch nicht bekümmern / wo / oder wie es freien werde /
Sons

Sondern dieses alles ligt dem Vater vnd Mutter ders-
massen im herzen / das sie auch damit nicht schlaffen
noch rügen können / Vnd widerumb jr vnaussprech-
liche freude ob jrer Kindlein freud vnd wolffart/haben/
Ja wenn sie auch etwas / das jren jungen Herrlein
oder Frewlin / zu schmuck vnd ehren dienet / erlangen
vnd bekommen / erfreuen sie sich der Kinder halb viel
mehr / dann jrer selbs halben. So gar herrlichen schön
hat Gott in die Creatur gepflanzet / vnd vns für au-
gen gestalt / nimmermehr zuvergessen / in was für gar
einen vberschwenglichen / heiligen / vnbegreiflichen
Gnadenbund er sich mit vns durch die heilige Tauffe
eingelassen / Dann auch veterliche affection / nichts
dann ein tuncckelabrifz ist der waren lieb vnd trew in
Gott / welcher freilich wol in ewigkeit bleibet Vater/
vber alles was Kinder heisset im Himmel vnd vff Erden/
Ephe. 3. Vnd füret in seinem Veterlichen Gnaden-
schild / nichts denn Gerechtigkeit / Gericht / Gnade
vnd Barmhertzigkeit.

Das ander Teil.

Weil vns dann Gott in so lieblicher
gemelden / vnd worten wie gehöret / sein
Vaterherz vnd die grossen wolthaten / so
vns durch die heilige Tauffe / wie vor alten
zeiten / durch die Jüdische beschneitung / widerfaren/
desgleichen auch vnser Ehere vnd vorstehende herrlig-
keit vns gezeiget / vnd dessen zum gewissem zeugnis /
E iij in der

in der Person des HErrn Christi/ bereit vnser fleisch
vnd blut zu solchen Ehren vnd Maiestet/ wie gehöret/
erhaben vnd eingesakt hat/ So ist nu die Frage:

Was sollen wir doch vnsern lieben Gott wider
umb zu lobe vnd schuldigem dienst vnd danck leisten/
Was foddert er fur danckbarkeit vnd dienste von vns?
Hierauff gibt vns der Prophet diesen bericht.

.. Ja im Glauben wil ich mich mit dir
.. verloben.

WEs wolt er sagen: Was ich zusage / das
sol wol gewislich vnd ewiglich / war vnd Amen
sein/ Dann solte auch Himmel vnd Erde drüber
krachen / brechen / vnd in hauffen fallen / so ist es ein
mal gesprochen/ vnd bleibet ewiglich war / was Gott
redet.

Aber von euch Menschen sol vnd mus es auch
gegleubet werden. Dis allein ist der fürnemest vnd
edelste Gottesdienst vff Erden / mich in Worten vnd
verheissungen nicht für leichtfertig achten / Sondern
mir die Ehre ewiger Wahrheit zumessen / vnd sich hüt
zen für der grausamen lesterung / die da heisst Gott
zum Lügner machen / vnd dem zeugnis / das Gott
selbs zeuget von seinem Son / nicht wollen stat vnd
glauben geben / 1. Johan. 5. Ob dieser sünd vnd lester
ung / hebet sich der grosse zorn vber alle Weltkinder/
dauon der HErr sagt: Der Heilige Geist wird die
Welt straffen/ von wegen der Sünde/ das sie nicht an
mich

mich glauben / Johannis am 16. Dann so wenig als
der Geist Gottes seines tröstens lassen kan / bey den
glaubigen oder Kindern Gottes / So wenig kan er
auch seines scheltens / straffens vnd verdammens vber
haben sein / bey den vnglaubigen Kindern der Welt /
dazu er dann auch vnterschiedliche Lehre / Gesetz vnd
Euangelium gebraucht / diß für die Kinder Gottes /
jenes wider die Kinder der Welt / aber dennoch bei
des dahin gerichtet / das in dem Namen Christi gepres
diget werde Busse vnd vergebung der sünden.

Vnd dertwegen wie der höchste Gottesdienst
ist / Gott in seinem Euangelio warhafftig halten vnd
glauben / Also ist auch die grössste sünde auff Erden /
Christum nicht hören / vnd an in nicht glauben wollen /
mit welcher sünde sich Gott in ewigkeit / weil sie ist /
nicht vergleichen wil noch kan.

Vm andern / Weil aber der Glaub nicht je
dermans ding / 2. Thessal. 3. Sondern ein lebendige
Krafft vnd gabe Gottes ist / die niemand im selbs ges
ben / oder aus eigenen krefften erwecken mag / Ders
halben / damit sich dessenhalb niemand zu beklagen vnd
entschuldigen habe / Leret er vns auch / wo wir den
Glauben suchen / vnd gewißlichen finden vnd erlangen
sollen / vnd spricht :

Vnd du wirst den H E R R E N 22
kennen. 22

Das

Das ampt des erkentnis Gottes/ist das
heilige Predigampt/vnd gehet allwegen neben
den Hochwirdigen Sacramenten / wie es der
H E R R auch zusamen setzet / Leret alle Heiden vnd
teuffet sie: Also richtet Gott den Bund der Beschneis-
tung/ Gene. 17. auff mit Abraham / Dieser aber pre-
digt von dem Namen des H E R R N / des lebendigen
Gottes / Gene. 21. vnd spricht Gott ausdrücklich
von Abraham: Ich weis das er seine Kinder vnd
Haus leren wird/was recht vnd gut ist / Gene. am 18.
Vnd der Apostel sagt / der Glaube kompt aus dem
predigen / das predigen durch das wort Gottes / nicht
aus allerhand gewesche / Sondern aus dem Gesetz/
welches man sol in dem munde des Priesters / vnd
weisheit in seinen / als in eines Engel Gottes lippen
suchen vnd finden/ Malach. 2.

Dieser Glaube durch das wort Gottes erwe-
cket / ergreiffet vnd fasset Gottes Gerechtigkeit/ Ges-
richt/Gnade vnd Barmherzigkeit / vnd schleuffet alle
dieselbigen ~~unterschiedlich~~ in das hertz / gleich wie ein
guldener Ring fasset vnd einschleust / einen edelen
Carfunckel/ welchem Carfunckel durch den Meister
eine schöne folge vnterleget/vnd mit eingesezt wird / so
hernach heraus tritt / mit einem schönen glantz vnd
liechte / vnd ist nicht allein des Ringes höchste ziere /
Sondern ist auch eine freude vnd lust anderen anzu-
schawen.

Also bricht hernacher der Glaube aus dem
glaubigen herten/mit einem schönen Göttlichen liech-
te vnd

te vnd schein/durch die Liebe heraus/das auch die Eng-
gel Gottes im Himmel/vnd Menschen vff Erden / dar-
an eine lust/freude vnd wolgefallen haben/ ob es schon
in diesem leben zum volkömlichen glantz nicht kömet/
vnd der Geist Gottes an diesem Elenodio zu leutern
vnd poliren hat / bis in das ewige Leben. Dazu dann
Gott auch vnsern fleis erfoddern thut.

Das dritte Teil.

Wenn wir nu nach empfangener gna-
de/vnser Liecht also leuchten lassen / vnd das
mit vnsern Vater im Himmel preisen/ Als dan
wil Gott auch solchen fleis hie vnd dort trefflichen bes-
lohnem/ Davon sagt nu der Prophet weiter also:

Zur selbigen zeit spricht der HERR
HERR / wil ich erhören.

Ich wil den Himmel erhören / vnd der
Himmel sol die Erde erhören / vnd die
Erde sol Korn / Most / vnd Ole erhö-
ren / vnd dieselben sollen Jesrehel er-
hören.

In der selbigen zeit / spricht er/ als wolt er sa-
zen: Alles erhören/alle wolfart / so one vnd vor
dem erkenntnis Gottes/denen Menschen widerfas-
ren mag / ist gering vnd nichts zu achten gegen dieser
zeit vnd verheissungen/ Wenn nu Gott erkennet vnd

D der

der Gnadenbund gemacht ist / als dann allererst vnd
zur selbigen zeit / sol erhörung vnd alle wolthat dem
Menschen recht offen stehen / für vnd für / vnd in ewig-
keit Gottes augen / von solchen Menschen nicht abge-
wendet / Seine ohren für im nicht geschlossen wer-
den.

Dann ob wol der Himmel seine freystige influ-
enz / auch die Elementa ire krafft vnd wirkung haben /
ist doch an derselben keines Gott gebunden / Sondern
er vber alles herrschend vnd regirende / Ja wie er das
selbige ordenet vnd füret / also vnd anders nicht / gehets
auch / vnd mus also gehen.

Es braucht aber der Prophet gar eine schö-
ne Figur / damit er vns zeiget / wie alle wolthaten / so
vns Menschen von den Creaturen widerfahren / sein
ordentlichen von Gottes güte / als von der causa pri-
ma oder Hauptquelle / alles guten herfliessen / vnd sagt /
Eines sol des andern klage vnd seuffzen erhören / die
klage Jesrehel / das ist / des geliebten Samens vnd
Völcklins Gottes sol erhört werden / von den früch-
ten auff dem Lande / die fruchte von der Erden / die
Erde vom Himmel / der Himmel sol von Gott erhört
werden.

Solche art zu reden / ist nicht allein den Poetē /
Sondern auch den Propheten / Psalmen vnd der heis-
ligen Schrift gar gemein / Gott gibt auch den jungen
Raben ire speis / die in anruffen / sagt der 147. Psalm.
Vnd Paulus sagt / die Creatur von Gott geschaffen /
engste sich mit grosser mühe vnd schmerzen / wie eine
schwanz

Schwangere Frau in jren Kindes nöten/ wenn sie dem
mißbrauch vnd eitelkeit der Gottlosen wider jren wil-
len/dienen vnd vnterworffen sein mus/ als wolt er sa-
gen: Wenn du vber deiner Tafel vbrig gepreng treis-
best/mit den Creaturen vnd gaben Gottes / die dem
armen Lazaro zu erquickung fürnemlichen geschaffen
sind/vnd nicht gedenckest/wie er von denselben gaben/
auch möchte ergetet werden/ So ist dieselbige eitelkeit
oder mißbrauch/ den Creaturen Gottes gleichsam ein
gros heimlich leiden/ Das/wenn sie reden kündten/sie
darob zeter vnd jamer schreien würden.

Also sezt der Prophet hie einen feinen Apolo-
gum, als gieng einer für ein betrübtten Acker oder
Weinstock für vber / welches Bletter verdorret / die
Früchte verwelcket/ vnd alles trawrig an zu sehen / be-
klagte den jamer/vnd fragte / wie der betrübtte Wein-
stock zu diesem trawren keme? Er aber antwortet:
Die Erde hette jm jren safft zu gebürlicher zeit ver-
sagt. Die Erde klagt vber den Himmel / von dem der-
selbige safft nicht herabe getroffen / Der Himmel vber
den zorn Gottes/der in wider seinen willen vffgehal-
ten/vertrücknet/erhisset/ja eisern vnd stehelen gemachte
hette/von der Menschen sünde wegen.

Vnd stehet eben ein solch bild in diesem Capitel/
kurz vor diesen Worten / da Gott spricht/ Er wolle ei-
nen Bund machen mit den Thieren / Vogeln / Ges-
würm/Bogen vnd Schwert/ gleich als weren dis ei-
tel zornige Tyrannen/zur Rache vber die sünde / mit
D ij denen

denen sich Gott ein zeitlang in einen Bund/stillstand/
oder inducias einliesse / wenn er ein mal Menschen
vnd Viehe segenen/fried vnd wolfeile zeit geben wol-
te/ Damit vns der Prophet zu gemüte füret / das die
jkige geschwinde tewrung/mißwachs / Krieg / Kriegs-
geschrey/armut vnd dergleichen/ auch zu diesen vnsern
zeiten/daher allein verhenget werden / das wir an die
alte Ehe/ den schönen Gnadenbund / den Gott mit
vns gemacht/vergessen/überschreiten/hengen vns an
Creaturen / vnd treiben Ehebruch vnd bulerey mit
denselbigen / wider trew vnd pflicht/die wir Gott in
der heiligen Tauffe versprochen vnd geschworen
haben.

S wil nu Gott erstlichen das Studium, be-
trachtung vnd leistung vnser gehorsams / nach em-
pfangener gnade vnd vffgerichtetem Gnadenbunde/ bes-
lohnem / mit allerley segem dieses Leibes vnd Lebens /
dazu vns alle Creaturen/Himmel/Erde/ Geweuchse / D-
le/Wein/Korn/Silber/Gold/ Ja auch wie zuvor stes-
het/ Gottes Flachs vnd Wolle dienen sollen/Daß als
le dis / sagt er/sey sein/ vnd ich wil jnen auch mein lie-
bes Korn vnd Wein/meinen Flachs vnd meine Wol-
le entwenden / wenn sie werden andern Baaln oder
Bulen nachlauffen.

Im andern / wil er diesen fleis auch beloh-
nen/mit bemehrung Geistlicher gaben an der Seelen/
Wie der Herr sagt: Habenti dabitur. Dem der da
hat/dem wird gegeben. Vnd der Apostel sagt: Wir
müssen oberkleidet werden.

W

Vnd von diesen vberschwenglichen gaben /
sagt der Prophet auch in diesem Capitel: Bey meinem
Man ist mir besser/dann bey meinem Bulen. Dann
die Weltkinder / die Baalen oder Bulen (denn das
deutsche Bule/kompt vom Baal) das ist / haben ire
flüchtige freude / ob den flüchtigen / vergenglichen /
elenden Creaturen/ Aber was ist das anders / dann ei-
ne wanckelmütige/vnziemliche/schendliche Bubenlies-
be/die da nicht gleubet noch verstehet / was für schöne/
reine/beständige liebe vnd trew / nach dem Ehelichen
verlübdis vnd vertrawung / zwischen Eheleuten ir
lebenlang brinnet. Also sagt Gott / sol auch in deinem
herzen gegen mir/ grössere freude vnd wunne gefület
werden/denn jemals ein Weltkind an seinen Baalen
oder Bulen/gefület oder empfunden hat.

Endlichen vnd zum dritten/wenn es heut oder
morgen / zum lezten Paroxysmo, Todeskampff vnd
herzbrechen kömpt / vnd jederman meint es sey nu al-
les aus/wenn die augen nicht mehr sehen / die ohren
hören / vnd der mund nicht mehr sprechen kan / Als
dann sagt Gott/sol dir allererst rechtschaffen nütz wer-
den / vnd zum trost gedeien / was du dein lebenlang
angewand hast/an die selige betrachtung der heiligen
alten Ehe vnd Bundes / den ich dein Gott mit dir in
deiner heiligen Taufte gemacht habe.

Dñ daselbst wil ich dich allererst locken/sprichet
Gott durch den Propheten in diesem Capitel / vnd in
eine wüsten führen/vnd freundlich mit dir reden/ Vnd
D iij wil

wilt dir neue Weinberge / vnd das edele Thal Achor
geben / die hoffnung auffzuthun.

Alhie sihet der Prophet auff die Historia /
Jos. 7. Da sich nu das Volck Egypten erwogen /
vnd vierzig ganze Thare hatt in der Wüsten vmb
schleppen lassen / vnd in guter hoffnung stunden / auch
nu / Gott walts / bereit durch den Jordan gesakt / vnd
eben im angriff waren / das Land einzunemen / Auch
nach vernewertem Bund / der Beschneitung / so 40.
Thar vnterlassen / bereit mit grosser freidigkeit Hiericho
erobert / vnd einen ausschus nach der Stad Hai
schickten / Da füret das vnglück einen bösen Buben
in den wurff / mit namen Achan / der sich wider Gots
tes gebot / an der plunder so zu Hiericho verbannet
war / vergriffen / vnd dauon gestolen hatt / vnd musste
von des einigen Buben wegen / ehe dann er zu gebürs
licher straff gezogen / das ganze Volck mit grausamer
furcht vnd schrecken gestrafft werden / Dann der aus
schus ward von Hai abgetrieben / Etliche Jüden ers
schlagen / Dem Feind wuchs der mut / den Jüden
entfiel das hertz / vnd hatte Gott mit dem Jordan hins
der jnen zugezeunet / da hube sich so ein zagen vnd zit
tern / das sie dieselbige schöne güldene Awe / der auch
Esa. 65. gedencft: Vallem Achor, id est conturbatio
nis, das Zitterthale / oder Klageawe nenneten / von
wegen des letzten angstschweisses / denen jnen Achan
eben noch zur letzte abjagte / ehe sie das gelobte vnd vers
heissene Land einnamen.

Also

Also sol an vnserm letzten ende / wenn sichs an-
sehen vnd gleich fühlen lesset / als wolte vns Gottes zorn
vnd vnser sünde von dem verheissenen ewigen Leben /
ganz verstoffen vnd abhalten / Dennoch vns umb
der warheit vnd vorgehenden heiligen Bundes Got-
tes willen / in der heiligen Tauffe mit vns gemacht /
eben mitten in der eussersten gefahr / das versprochene
ewige Leben anblicken / vnd in dem Zitterthal allhier
die hoffnung bis zum seligen durchdrang / geöffnet vnd
erhalten werden / Vnd die freude so Gott allhie anfes-
het / vnd dort vollenden wird / von vns niem-
mehr in ewigkeit lassen genomen
werden / Amen.



Faint, illegible text at the top of the page, possibly bleed-through from the reverse side.

Handwritten text in the middle section of the page, appearing as a list or series of entries.

Handwritten text in the lower section of the page, continuing the list or entries.



0 1 2 3 4 5 6 7 8 9 10 11 12 13 14 15 16 17 18

Nh 89
g

ULB Halle 3
004 167 198



f
Slo

N C



111. f. 1. v. 111. f. 1. v. 111. f. 1. v.

puisti in fine uari et sine fine que pat

Quare semper deo

da nobis fidei spem que tue

et caritatis augmentum et in me

ram ad te in modo punitis fact

nos amare quod pateris id est

Hic est et semper deo

quod dicitur et semper deo

semper deo et semper deo

et semper deo et semper deo

et semper deo et semper deo

et semper deo et semper deo

et semper deo et semper deo

111. f. 1. v. 111. f. 1. v. 111. f. 1. v.

me magis et semper deo

Allis et semper deo

id est et semper deo

quod dicitur et semper deo

et semper deo et semper deo

et semper deo et semper deo

et semper deo et semper deo

et semper deo et semper deo

et semper deo et semper deo

et semper deo et semper deo

et semper deo et semper deo

et semper deo et semper deo

et semper deo et semper deo



**Von dem ewigen
Bund / Krafft vnd Wirkung
der heiligen Tauffe.**

*eadem homilia in
superiore*

In der Gemeine zu Dessau / den
IX. Octobris / In gegenwart / der Schur
vnd Fürstlichen Beuattern vnd Gesandten / Nach dem
Fürst Bernhart der dritte Son Fürst Joachim Ern-
sten zu Anhalt / etc. den vorgehenden 25. Septem-
bris Hora noctis 1. M. 20. daselbst geboren /
vnd folgenden 7. Octobris Hora 10.
getaufft war.

Gepredigt durch
M. Abraham Ulrich zu Zerbst
Pfarrherrn vnd Superin-
tendenten.



Witteberg / Gedruckt durch
Lorenz Schwencf.
1571